

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10 i 3/23), a u vezi sa članom 15. stav (6) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) na prijedlog Ministarstva finansija, Vlada Zeničko-dobojskog kantona, na 77. sjednici, održanoj 18.04.2025. godine, d o n o s i

O D L U K U

o preraspodjeli sredstava u Budžetu Zeničko-dobojskog kantona za 2025. godinu

Član 1.

(Predmet)

Odobrava se preraspodjela sredstava planiranih u Budžetu Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), za budžetske korisnike iz nadležnosti Ministarstva za obrazovanje, nauku, kulturu i sport.

Član 2.

(Način preraspodjele i namjena sredstava)

Preraspodjela sredstava planiranih u Budžetu Zeničko-dobojskog kantona za 2025. godinu, vrši se na slijedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821600 – Rekonstrukcija i investiciono održavanje, Izdaci iz budžeta 2025. godina, izvor 10, umanjuju se za 432.830,00 KM;
- b) na razdjelu 22, budžetska organizacija 02, potrošačka jedinica 0000 – Osnovno obrazovanje, planirani rashodi na poziciji 821600 – Rekonstrukcija i investiciono održavanje, Izdaci iz budžeta 2025. godina, izvor 10, uvećavaju se za 97.830,00 KM, a po budžetskim korisnicima kako slijedi:

Rb	Kod škole	Budžetski korisnik	Ekon. kod	Iznos (KM)	Projekat
1	22020040	JU OŠ "Hajderovići" Zavidovići	821600	7.730,00	Izrada glavne projektne dokumentacije za fiskulturnu salu
2	22020042	JU "Prva osnovna škola" Zavidovići	821600	32.180,00	Rekonstrukcija lifta za prevoz učenika sa poteškoćama u razvoju
3	22020064	JU OŠ „Abdulvehab Ilhamija“ Žepče	821600	57.920,00	Ugradnja tribina
Ukupno osnovne škole:				97.830,00	

- c) na razdjelu 22, budžetska organizacija 03, potrošačka jedinica 0000 – Srednje obrazovanje, planirani rashodi na poziciji 821600 – Rekonstrukcija i investiciono održavanje, Izdaci iz budžeta 2025. godina, izvor 10, uvećavaju se za 335.000,00 KM, a po budžetskim korisnicima kako slijedi:

Rb	Kod škole	Budžetski korisnik	Ekonom. kod	Iznos (KM)	Projekat
1	22030004	JU Mješovita srednja škola Kakanj	821600	35.000,00	Rekonstrukcija sale za tjelesni i zdravstveni odgoj
2	22030026	JU Mješovita srednja industrijska škola u Zenici	821600	300.000,00	Završetak druge faze radova na zatvorenom bazenu Industrijske škole
Ukupno srednje škole:				335.000,00	

Član 3. (Realizacija Odluke)

Za realizaciju ove odluke zadužuju se budžetski korisnici kojima su odobrena sredstva za rekonstrukciju i investiciono održavanje, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4. (Izvrještavanje)

Budžetski korisnici kojima su sredstva odobrena ovom odlukom dužni su sačiniti izvještaj o namjenskom utrošku sredstava i isti dostaviti resornom Ministarstvu najkasnije 15 (petnaest) dana nakon utroška istih.

Član 5. (Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-8154/25

Datum, 18.04.2025. godine

Zenica

PREMIJER

Nezir Pivić

DOSTAVLJENO:

1x Ministarstvo finansija,

1x Ministarstvo za obrazovanje, nauku, kulturu i sport,

1x Budžetski korisnici, putem Ministarstva za obrazovanje, nauku, kulturu i sport,

1x „Službene novine Zeničko-dobojskog kantona“,

1x a/a.